

國

朝

列

卿

紀

國朝列卿紀卷之七十三

都察院左右都御史行實

馬中錫字天祿直隸河間府故城縣人早慧三歲

賦詩父處州爲唐府長史以直諫忤王械送京師姚淑人

而次皆下之獄中錫以幼免訴辯如成人能感動部使者詣

王曉譬家得釋復依母趨京訟屈事卒得白年十六游邑庠成化

甲午舉鄉試第一明年乙未中進士丙申拜刑科給事中時

憲廟萬貴妃之弟恃寵驕恣上疏其奸語過直被杖幾危再疏再

杖不爲沮悔公主侵畿郡民田被命往覈以其田還民中官汪

直梁方怙勢橫甚又劾其不法數事直喉邏卒日誦其門竟無

可摘然久不得遷也既滿考僅陞雲南按察司僉事尋丁外艱服闋改陝西其督饌於延綏也革分司沿舊私用之銀三百餘兩弘治己酉涖鄉試錄中文多出手筆太宰三原王公恕奇之遂改提學尋陞副史條約慎章程士習以振壬子陞大理寺右少卿畱都守備中官蔣琮屢興大獄中善類遭官廉問至再俱爲所制乃以屬之中錫不事刑威第以言誘致其黨抵琮於法乙卯陞左少卿奉命閱實居庸紫荆倒馬諸關事竣有羊酒寶鑑之賜丙辰陞右副都御史巡撫宣府自鎮守以下私役頗多首革行臺雜匠百餘以倡之軍伍復實數總兵馬某及監槍叅將之奸三人相繼罷去又以居庸爲南北襟喉榆林大

同諸鎮貿遷餽遺往來雜沓請於巡撫行臺給掛號如後府式以防奸宄出入之弊在鎮三年嚴禁創杜請託凡芻糧工匠馬匹之利舊爲世家所壟者悉歸之官乙未二月北虜擾邊督兵斬獲甚衆捷奏賜白金文幣三月以疾得請邊人叩闕願留詔待其病痊亟用之居家七年足不及官府治園亭挾親舊日以觴詠爲樂若將終身焉而廷臣論薦不已前後凡十有三疏乙丑武宗卽位起巡撫遼東諸勢家舊占屯田之便利者至數百頃且歲役官兵代耕屯卒所受虛張冊籍實皆磽瘠之地又代爲勢家輸稅遼人苦焉上疏取便利田給卒而其虛籍盡除之太監朱某開客肆擅馬市厚自封殖武職效之肆爲侵牟亦

各有錢行魚戶識字頭目諸稱謂悉裁以法且疏朱之姦抵其左右以罪人大懾服正德丙寅六月召還陞兵部右侍郎未幾轉左逆瑾方用事有朱羸者其心腹也冒邊功丐陞牽連數十百人脅兵部爲之駁請大司馬旣許之矣中錫曰如冗員日增邊人解體何哉卒據實上請事得已而瑾銜之十二月矯詔改南京工部左侍郎尋罷其官瑾怒猶未已也丁卯十月使遼覈芻糧者以腐損過多希瑾意歸中錫逮下詔獄瑾必欲以死處之戊辰三月械繫遼東尅期償所負計當用銀數千東人聞來爭出迎願代輸者襁屬中錫曰此適足重吾辜耳固謝之有司承望追迫乃盡鬻田廬復稱貸以漸償之衆爲憤鬱無所泄

適瑾黨戶侍韓福覈屯田抵遼盡稅中錫所除虛籍以投瑾好  
衆憤益甚己巳二月廣寧卒數千登城夜呼欲爲變戶侍怖且  
窘人告之中錫偕獄吏登城大呼曰我馬某也今在此汝輩擾  
擾何爲衆以中錫故遂解去瑾聞變益惡其所爲禍得少解  
歲餘償完猶褫職爲民庚午九月瑾誅 上起巡撫大同諸所

興革如宣府遼東時宗室有邀去任郡倖而奪其資者中錫廉  
知疏請坐罪竟還所奪威名赫然方瑾之未敗也人苦於征四  
方盜並起以鼠狗視之機伏釁結爲日既久而人不敢言其後  
瑾雖敗露而亂勢已成不可遏辛未之春霸州盜魁劉七楊虎  
等擁衆抄山東河北遠近騷然 上乃召爲右都御史授鉞往

督軍務固辭不允卽兼程而行與戰於彰德又追奔至洎頭鎮  
皆敗之前後斬馘 賜勅獎勵陞左都御史掌院事寇奔入山  
西數月復還有衆數萬我軍勢不能遏矣七月圍棗強中錫調  
叅將宋振撫其前而自引兵躡之振與所部兵皆怯鬪不敢前  
戰及棗強陷令以下死者近千人中錫提孤軍止七八百人知  
進戰決無成功乃便服單車從數僕直抵寇壘 諭以 朝廷  
恩威具開其自新之路寇感泣橫刀誓水願丐餘命奏 聞廷  
議遷延未決無何寇復縱兵焚掠中錫以老師玩寇被劾徵下  
獄於是廷臣始請檄諸邊宿將率勁卒併力禦寇兵威之盛百  
倍前時旬月之間事勢頓異言者復論其擁兵自衛信賊誑誘

衆亦知中錫值其難第時盜方猖獗若謂法不稍嚴無以示懲  
已亂因久繫未釋明年五月二日竟以疾卒於獄年六十七中  
錫耿介孤峻不肯以私干人遊宦四十年甘守寒儉終始如一  
日遇事敢任不違他卹平生問遺未嘗及權貴於其所利又輒  
加裁抑故所至多與物忤其處鄉鄰親識亦嘗過矯惟恐廢法  
用是聲稱雖著而不能彌少恩之謗其事繼母處兄嫂及撫孤  
姪能曲盡孝友族人老而貧者廩之終身家法嚴整雖宴然集  
歡盡無敢狎恃例當蔭子家人欲徇俗陳乞乃正色謂之詎宜  
爲子而稱乞乎酷嗜讀書自爲諸生時自取經史百氏博觀而  
詳玩之應務之隙未嘗虛廢晷刻爲文有雋才刊落凡近士類



喜傳誦之既入仕諸所選述益橫逸奇崛於詩尤工評者謂其體格早類許渾晚入劉長卿陸龜蒙間藏於家者有入秦棘寺上谷廣丘遼西雲中東征諸稿甘陵志箋經寓意諸作

雙溪雜記云京師之南固安永清霸州文安等處京衛屯軍雜居其地人性矯悍好騎射往往邀路劫財輒奔散不可尋人號爲響馬賊正德間內豎得寵用事者劉瑾陝西興平縣人谷大用馬永成張忠等皆霸州文安諸處人太監劉七等嘗因內官家人混入禁內至豹房觀上遊幸之所及爲寧杲所逼遂聚衆拒捕瑾誅杲亦得罪繫獄當廢置遣驍將五人各統勁兵一千分路而出聽便宜襲捕惟以平賊爲功不論首級多寡不

過旬月而平矣時兵部尚書王敞不通政務止行有司擒捕已獲齊彥名收安肅縣獄劉七等十餘人刼去旬日之間聚至數百所至窮民響應增至數千敞束手無策楊一清爲吏部尚書建議推用大將征討及文臣有才望者提督軍務又著有能擒斬盜賊三名題陞一級李東陽從中稟旨極其褒美悉從所言行之故事凡大政必下該部詳議覆奏然後施行今捕盜不關白兵部徑准施行由是言官爭論敞不職乞速罷黜張永素悅敞不能畱敞掌通政司事以何鑑代之一清舉巡撫大同都御史馬中錫提督軍務惠安伯張偉爲總兵官同征流賊所領京營軍馬皆不簡閱中錫書生欲效龔遂化渤海盜事招撫解散

張偉統袴之子亦不知兵既出兵中錫遍檄諸路榜示劉六等經過所在官司不許捕捉與供飲食若聽撫待以不死劉六等聞之所至不殺掠然且信且疑至德州桑園兒駐兵來謁中錫開城撫之劉六欲降劉七曰今內臣主事馬老爹豈能自踐其言乎潛使人至京師探諸中貴無招降意又以山東所掠金銀輦載至京饋權幸求赦不得遂大肆劫掠衆至數萬中錫故城縣人賊至故城戒令勿焚劫馬都堂家房屋財帛由是謗騰謂中錫恐賊害已私家玩寇傷民遣錦衣官校捕中錫張偉下獄罪論斬後中錫死獄中張偉革爵閒住

王鼎字



福建福州衛軍籍直隸鳳陽府定遠縣人成化辛

丑進士十七年授上饒知縣二十一年以憂去弘治二年服滿  
補樂陵知縣六年行取擢河南道監察御史十一年陞光祿寺  
少卿本年陞大理寺左寺丞十二年陞本寺右少卿十三年轉  
本寺左少卿十四年降保昌知縣未幾陞保慶府同知十五年  
陞河南僉事十六年陞廣東右叅政正德二年陞順天府尹五  
年陞都察院右副都御史理院事六年陞本院右都御史掌院  
事七年致仕卒贈工部尙書

陸完字全卿直隸蘇州府長洲縣人成化丁未進士擢廣西道  
監察御史歷浙江副使江西按察使有幹才正德三年陞都察  
院右僉都御史巡撫宣府逆瑾見其言動遲緩改南院右僉都

御史四年畏瑾威焰納賂於瑾陞都察院右副都御史尋進兵部右侍郎未幾轉左及瑾敗言官劾完首開賄賂之門驟陞風憲之職不報六年霸州等處強賊劉六劉七齊彥名等肆亂初舉都御史馬中錫提督軍務以玩寇殃民下獄中官以此事非書生所能辦乃命太監谷大用總督軍務推完提督軍務伏羌伯毛銳掛平賊將軍印充總兵官時統兵萬餘素未簡閱銳又衰老而大用擁衆自衛高坐堅城故京軍屢失利不能速平賊兵部奏令完帶主事田蘭等招募民兵大擾地方又奏調宣府遊擊許泰卻永大同總兵張復遊擊江彬入征內地多妄殺平民冒功完不能制後賊過江大掠吳楚之間至蘇州遇颶風覆

舟始滅歸而論功谷大用并代大用者太監陸蘭皆封其弟爲伯完進右都御史尋改左都御史掌院事八年陞兵部尙書加太子少保詳吏部

石玠字邦秀直隸真定府藁城縣人成化丁未同弟少保文隱公珩舉進士授汜水知縣有惠政弘治癸丑召爲河南道監察御史丁卯奉勅覈大同邊儲丙辰按甘肅辛酉復按陝西興革悉中機宜乙酉推綜三法司事左都御史浮梁戴公珮素知之事無巨細悉委推理丙寅陞山西按察司副使督學政教人以脩德行務經學爲本己巳陞本司按察使庚午陞右布政使尋轉左辛未陞都察院右副都御史巡撫大同玠久歷邊陲習

諳戎務量才任使皆得其宜間有違法者裁以大體不爲深文小苛故人爭盡力邊境用寧未幾入爲兵部右侍郎時遼東諸夷不靖命以左侍郎兼右僉都御史往諭之玠宣布威德卽相率歸復還癸酉陞右都御史理院事待物寬厚以誠信爲本而取予不苟乙亥陞戶部尙書詳戶部

彭澤字濟物陝西蘭州衛軍籍湖廣長沙人成化壬午年舉於鄉弘治庚戌舉進士授工部主事改刑部員外郎郎中能以詩書飾法比不茹柔吐剛屢勘大獄犁然當乎人心有情勢毆殺人者澤嘗之當抵罪或爲之負緣時勅遣中貴備三法司錄重囚議將釋之澤執不可或以朝廷欽恤意爲言澤曰如

死者何竟莫能奪由是名聞縉紳弘治十三年以北虜犯邊上  
攻援三四策當事者忌之出知徽州府招延郡士入學勸農布  
種禁游惰奢僭條格井然十五年以守制去民不忍釋正德元  
年補真定府政務寬大不拘小節開廣學校作育人才三年陞  
浙江副使五年陞浙江叅政尋陞河南按察使所在砥廉隅而  
氣槩稜厲各著聲績六年遼東缺巡撫遂遷都察院右僉都御  
史尋陞右副都御史巡撫保定地方未至任值流賊劉七等部  
下趙風子邢老虎分兵勢猖獗入河南攻破州縣皆望風奔潰  
殺戮守土官兵親藩及守臣俱告急兵部建議命澤潞威寧  
伯仇鉞提督河南軍務諸將分兵截殺大敗賊衆斬獲無算賊



夜奔商水倉皇阻河不能渡賊可殄滅因紀功御史雷宗力勸諸將朝 崇府盤薄久之賊因得渡商水破西華等處至河南府賊逸我勞副總兵馮禎戰死賊亦敗去徑奔汝寧澤與仇鉞分調諸將追勦斬獲甚多生擒買勉兒楊寡婦乘勝追逐趁風子兄弟就擒劉三走死河南寇平捷聞 上降勅獎勵以功陞右都御史尋加太子少保八年四川餘盜復起命澤同總兵時源總兵出征先剿殺四川漢中劇賊廖麻子喻恩俸次征內江駱松祥又次討崇慶州范藻九年盪平羣盜以功加太子太保兼左都御史回京值甘肅巡撫趙鑑總制鄧璋以土魯番書聞且言逆虜所求不可允乞照先年差侍郎張海故事差官往經

略廷推澤總督川陝等處軍務經略甘肅地方議曰番夷挾求  
賞幣不可與差官經略不可行請命彭澤征調延寧人馬外迫  
番夷內逐達賊請勅都督奄克忒刺寫亦虎仙等共守哈密又  
勅赤斤等衛如遇番夷內侵併力杆禦御史張麒給事中王江  
上言不宜並用二人總督戎務俱忤旨不報澤抵甘州值土魯  
番火者他只丁寇赤斤苦峪諸處殺掠甚慘遣人來甘州遺書  
曰速送段來澤以番夷好利可以利啗遣使納幣二千銀酒器  
一副贖取哈密城印十年三月奏事寧乞休不允會御史燕澄  
奏二人總戎務動相掣肘乞取澤回京委以重大之寄遂召澤  
歸掌院事未幾滿速兒淪盟犯肅州兵部尙書王瓊請勅切責

勘究至十二年王瓊劾澤等欺罔乞令法司按實議罪會多官  
議戶部尙書石玠以爲大夫出使於外苟有利於國家專之可  
也今事須再勘王瓊曰納幣虜廷失信夷人致貽後患於國家  
利乎不利乎事已勘明更勘何事衆不能奪禮部尙書毛澄力  
救之罷爲民詳兵部

王璟字廷采山東兗州府沂州人成化壬辰進士除登封知縣  
六載以清節聞遇災禱神輒應十六年陞南臺御史凡所論列  
悉關朝廷大體讞獄不泥成案率多平反十八年丁外艱起  
復冢宰謂例當改北臺御史璟辭老母迎養於南便縉紳異之  
補貴州道按視山海等關保定諸郡旌別臧否罷行利弊弘治

六年擢光祿少卿七載益懋清慎十三年陞南京鴻臚寺卿十四年陞右僉都御史理兩淮鹽法通變革姦私販屏跡十六年浙東饑被命賑濟上經畫要宜十事以杭嘉湖寧紹台被菑尤甚奏減其稅及省杭湖軍糧三十餘萬石停刷卷御史三年所活四十餘萬人十七年改巡撫紫荆等關保定諸郡首疏添官增社以紓衝要民力處置江浙馬價以便本地土民免立皇莊名目以除民害等六事 孝廟嘉納焉時內宦奉命勘計寧晉新河諸縣土田吏稍侵忤遂奏遣官校捕捉鄉民二百餘家遠近驚擾璟備疏其害謂宜盡斥罷諸內璫田盡歸之民人皆危之弗恤正德丙寅 命管院事逆瑾矯詔罷歸辛未瑾

誅薦起巡撫山西時巨盜流劫焚燒破陷河東爲甚至則閱視  
一通賊處所設險防禦製火槍萬餘每槍小箭六枝攻守百爾具  
備由是斬獲衆多賊望風遁晉藩歲祿告乏璟謂不足生於不  
均富強者兼併貧弱者窘削遂革去買頭重冒之利宿弊以清  
山西地瘠民貧復經兵燹凡兵工部歲派沁州諸郡花椒木板  
及戰馬四千餘毅然疏請改徵以甦困弊先時潞沁諸郡邑婦  
女不爲賊所汙以貞烈死者三十餘璟覈實皆請表厥宅里  
以扶綱常本年陞右副都回院管事八年陞兵部右侍郎本年  
改吏部九年轉左十年陞都察院右都御史十二年陞左都御  
史掌院事值武廟巡狩南北獨特風裁朝廷倚重十四年

加太子少保十五年加太子太保十六年乞歸 恩給廩祿與  
皂 勅有司歲時存問皆曠典也壬辰秋九月卒於家贈少保  
謚恭靖

張綸字大經其先鄱陽人在宋高宗時有爲寧國路總管者因  
家宣城於是爲宣城人成化癸卯領順天鄉薦明年登進士第  
初知鹽山卽明習吏事撫按官交章薦之弘治辛亥以風憲

召壬子授浙江道監察御史監蘆溝稅巡內庫巡光祿寺皆以嚴  
辨聞甲寅巡居庸諸關邊備必飭武臣有縱恣者繩以法風采  
凜然尋以內艱歸丁巳終喪改雲南道按真定諸郡賊吏望風  
斂戢任縣令以非法殺人罪未正鞠實坐之富民被盜誣讐家

煅煉獄成綸察其冤脫論死者十三人於桎梏他平反又百十餘人平鄉令欲增淤田之稅且百頃綸曰河濱淤決不常可遺他日患耶事遂寢會清寧災陳時弊十事多見采納壬戌以久次陞光祿寺少卿時歲用不足上疏浮費所當節者數事尙膳中官索上供踰額詆侮僚屬又疏請司禮監懲之嘗助獻內壇上顧問近臣是非張御史耶蓋孝廟臨御旣久方疇咨俊又與共理天下事以綸嘗建白故屬意焉劉瑾舊嘗識之正德初擅政恨其疏已賴李文正公力救始免擢通政司右通政戊辰又擢都察院右僉都御史瑾焰日熾御史有枷項於通衢亟偕僚長救之五年擢大理寺卿奏獻輒忤瑾意時時與辨遂

瑾怒不爲少動致仕都御史強珍家爲讐所訐三子論斬坐沒  
入江西人民吳某沿俗兢渡偵事者誣以爲私造龍舟亦坐沒  
皆賴力辯得末減興襄二府訟田不決者二十年命往處帖  
然歸奏稱旨有牢醪寶楮之賜歲辛未中貴錄囚欲脫豪右  
族殺人者罪持不可擬竟如初高陽民王豹爲奸僧所罔刺臂  
肉爲龍形捕獲者坐欲叛侈功罪謂法止梟首用是不合調工  
部右侍郎癸酉改刑部侍郎尋轉左時偵卒多羅織無罪力言  
於僚長務核實母致枉人乙亥往覈代王博王兄弟互訐事  
會晉府慶成王獄久不決亦命綸訊鞠詳明奏當皆麗於法  
回疏處宗室選婚及祿米折銀二事偵卒獲入京虜謀連引且



至百人會鞠欲連坐綸曰謀若是其多耶止罪二人餘盡釋丁  
丑以九年滿陞都察院右都御史時方奉命南行還歷淮泗  
目擊水災慮民窮盜且延蔓乃以給賑蠲徵諸事宜上請所司  
皆議行之山東民趙萬興假妖言惑衆取美女以后稱有二儒  
生從之爲漁色計也偵事者獲之將以叛論綸辯其非叛得不  
族蓋綸留意律法善察奸僞而斷獄平恕未嘗過求故自任臺  
憲以至持天下之平於死囚多所開釋庶幾於民自不冤及  
世廟登極方窮治正德間諸惡黨繫獄者數十人乃數具罪狀  
以爲當誅而不可赦其嚴於懲惡又如此然連及巨璫疏入月  
餘不下綸焦勞感疾乃懇乞休退疏八上始得俞旨有月廩

蕭赫以寵其歸踰年於嘉靖癸未四月卒於家年七十自簪仕  
以來所居必盡職求稱其在言路持論必存大體恥授拾長短  
以爲名大學士李文正公稱其善自樹立與世之徇勢浮湛無  
所顧惜者不類平生所著有出巡錄憲臺奏議棘署駁稿三使  
錄晚效文正公爲詩渾厚清婉有敬亭稿若干卷藏於家

金獻民字舜舉四川成都府綿州人成化甲辰進士除行人司  
行人弘治四年擢浙江道監察御史明習法律嘗按雲南普處  
夷方事再按順天益著風采十一年陞山東副使爲天津兵備  
十五年守制十八年補湖廣副使正德二年歷陞湖廣按察使  
本年謫爲民五年起貴州按察使本年守制七年補山東按察

使八年陞都察院右僉都御史巡撫延綏等處地方本年回院  
管事本年陞都察院右副都御史十三年陞刑部左侍郎十五  
年陞南京刑部尚書十六年改都察院左都御史掌院事嘉靖  
二年遷刑部尚書本年改兵部尚書兼督團營四年以哈密事  
往及還以原職致仕

俞諫字良佐浙江嚴州府桐廬縣人弘治庚戌登進士觀政工  
曹奉 命修江西王墳諸饋無所入及授長清邑令邑值旱饑  
至輒跣足走禱且賑濟其不能行者每歲春給牛種勸之耕暇  
則會入諸生講析經義懇懇不倦部使者屢上其治狀戊午年  
拜南京江西道監察御史同僚有匿親喪者諫曰事親孝故忠

可將於君彼既忘其親矣況於君乎竟劾罷其官奉勅清西  
蜀戎籍廉明不苛積弊盡革其後御史因其法不敢變至爲師  
善碑以紀之乙丑擢河南按察司僉事雪花厓賊呂梅等作亂  
率兵破之擒梅以還俘其黨數千人是冬丁母憂正德二年服  
闋復除山西按察司僉事逆瑾方擅威福嘗出內批遣寺丞往  
邊境諸郡取兵爲它用諫慮其意不可測往白巡撫大臣寢其  
事瑾大怒方欲中以法不果已巳擢江西布政司叅議袁州有  
富民構訟累年不能決諫閱案良久曰吾得之矣卽坐其爲首  
者一人於獄訟遂息旣而大帽山賊鍾仕高作亂復平之民感  
其德爲立碑焉功旣上擢廣東按察司副使中道名爲大理

寺右少卿已而轉左是歲江西治水乏人 朝廷以爲憂公卿  
僉薦其才可任遂陞都察院右僉都御史總督水利於蘇杭乃  
作歌諭民築圩塘以汴水民享其利衆議方急開白茅港諫謂  
港近海沙隨潮下上徒勞民力耳上疏罷其役七年山東賊劉  
七等來江上爲患擢南京都察院右副都御史奉 勅事理操  
江賊竟就擒癸酉江西有司奏姚源賊王浩八率五洞蠻兵劫  
掠州郡勢甚猖獗 上勅往督軍務揀選將吏運籌靡間晝夜  
征凡九皆大捷遂蕩平其巢穴又增置萬年縣治建城池割都  
里豁賦稅以功進右都御史賞白金表裏 詔復巡撫其地建  
昌賊曰徐九齡者爲患尤劇積三十年官軍不能討復命師蓋

擒以還 上喜手詔褒獎加俸二級時宸濠方畜異志以得

上賜欲撫臣以下朝服諫不可久去其左右爲惡者濠怨甚屢欲殺之幸得免以疾乞休乃內賄閹權以奪其官旣歸杜門不出者六年惟開義學教鄉子弟暇讀書賦詩而已嘉靖元年召起督漕運兼巡撫清寃獄黜貪吏所至肅然漕政壞思減推挽之費疏請三分而折其一上下稱便寶應湖水蕩嚙堤岸命植芟蒲其側蜿蜒如龍然水患以平今所謂清龍港者是也會歲凶又發粟賑濟全活者衆河南賊王堂等往來寇淮西諸縣諫下車未浹月卽平其亂有司誣良民爲助者卽審釋之皆感泣而去二年召入治院事守法詳刑明察嚴勵諸御史咸敬服

馬三年致仕卒贈太子太保謚莊襄

邊憲字汝成直隸河間府任丘縣人曾祖復初以從 成祖靖

難授百戶祖永以正統乙丑進士歷戶部郎中父鏞由鄉舉累

官南京刑部右侍郎憲之生侍郎公有異夢因以命名甫十歲

能爲韻語書過目輒成誦既長學於少傅楊公一清與太宰喬

公宇司馬金公獻民爲同門詩有文譽楊以遠大期之成化癸

卯舉於鄉甲辰登進士授青州府推官時甫弱冠人皆以少易

之憲發奸讞獄如老吏郡中無不畏服青濱海海溢壞民田廬

將及城率衆築堤障之城中人恃以無恐值歲饑議賑撫按以

事檄之乃計口給食處之有法所全活甚衆又屬均六府之役

其輕重盈縮一視賢之高下里書奸莫能售皆便之弘治癸丑擢湖廣道監察御史奉命按山西復按宣大所在別白賢否裁抑貴勢風采凜然陳邊務數事皆爲上所嘉納又奉命至遼東覈實邊儲諸宿蠹剔抉殆盡兵出宣大受紀功之命人不敢請寄冒賞尤以爲難比還陞淮安知府以父憂歸服除改鳳陽不雨歲積備賑米至餘萬石正德丁卯陞浙江按察司副使時逆瑾竊政欲士夫阿已往往假他事羅織爲罪而罰米以困之憲所罰二千餘石然竟不肯少挫以阿瑾意庚午陞按察使尋轉布政司右布政皆有政聲辛未陞都察院右副都御史巡撫山東畿甸賊流入界內遣官分禦多所斬獲嘗荷勅獎



勵且有金帛之賜明年賊勢益熾至命近臣統諸將以邊兵  
剿之師久無功言者請罪一二重臣以示警憲與保定巡撫蕭  
公紳俱就逮繫獄旬歲賊平以舊職謝病家居甲戌復起巡撫  
寧夏至則築垣塹蓄芻糧凡邊之備罔有不飭嘗禦虜於花馬  
池斬馘若干遭挫切而遁又禦之於紅兒山五日七捷事聞

獎賚有加丁丑陞南京刑部右侍郎已卯改北京戶部右侍郎以  
母憂歸服除舊職總督太倉疏漕運數事皆利弊所當興革未  
幾轉左蒞部事嘉靖二年陞南京刑部尚書三年召改都察  
院左都御史未任過家卒年六十一

國朝列卿紀卷之七十三終

國朝列卿紀卷之七十四

南京都察院左右都御史年表

張

本

山東東阿人國子生永樂二十二年以南京兵部尚書兼掌本院事

杜

智

直隸燕湖人洪武中舉文學永樂二十二年任右都御史掌本院事洪熙元年免

向

寶

江西進賢人進士洪熙元年由北院右都御史改掌南院事宣德三年乞致仕

熊

槩

江西吉水人進士冒姓胡宣德四年任右都御史掌院事八年召還掌行在都察院事

陳

勉

江西寧都人進士景泰元年任右都御史掌院事二年致仕

張

純

湖廣江陵人進士景泰三年任右都御史掌院事

蕭維禎

江西廬陵人進士天順元年任右都御史掌院事

石

璞

河南臨漳人永樂庚子貢士歷兵部尚書致仕天順四年起左都御史掌院事成化元年致仕

林聰 福建寧德人進士成化十年由致仕巡撫大同右都御史再起本院右都掌院事兼提督操江

王恕 陝西三原人進士成化十三年任本院右都御史掌院事兼參贊

李裕 江西豐城人進士成化二十年出都察院右都調本院右都御史掌院事

屠浦 浙江鄞縣人進士成化二十年任右都御史掌院事

黃紱 河南封丘人貴州平越衛籍進士歷南京戶部尚書弘治五年改左都御史掌院事六年致仕

張悅 直隸華亭人進士弘治六年任右都御史掌院事

鄧廷瓚 湖廣巴陵人進士弘治八年任右都御史掌院事

翟瑄 河南洛陽人進士弘治九年任右都御史掌院事

陳道 直隸盱眙人進士弘治十三年任右都御史掌院事

鄧廷瓚 詳前弘治十四年由總督兩廣左都御史召掌院事以疾未任卒贈太子少保謚襄敏

張敷華

江西安福人弘治十四年任右都御史掌院事詳都察院左都

金澤

應天江寧籍浙江鄞縣人進士弘治十八年任右都御史掌院事正德元年致仕

高銓

直隸江都人正德元年任右都御史掌院事

熊繡

湖廣寧遠衛籍江西豐城人進士正德二年任右都御史掌院事本年致仕

張龍

山東歷城人進士正德二年任右都御史掌院事

洪鍾

浙江錢塘人進士正德三年任右都御史掌院事

王鑑之

浙江山陰人進士正德三年推右都御史未任遷刑部

張泰

廣東順德人進士正德三年任右都御史掌院事

吳文度

應天江寧人進士正德三年任右都御史本年改南京戶部尚書致仕

張憲

江西德興人進士正德四年任右都御史掌院事

劉

洪

湖廣安陸衛籍江西彭澤人進士正德五年任右都御史掌院事六年丁憂卒贈刑部尚書

戈

瑄

直隸景州人進士正德七年任右都御史掌院事

黃

珂

四川遂寧人進士正德九年任右都御史掌院事

鄧

庠

湖廣宜章人進士正德十年任右都御史掌院事

洪

遠

直隸歙縣人進士正德十一年任右都御史掌院事

陳

玉

直隸沂州衛籍直隸高郵人進士正德十四年任左都御史掌院事

楊

旦

福建建安人進士嘉靖元年出兩廣右都丁憂再起本院未任尋改南京戶部尚書

王

懋中

江西安福人進士嘉靖元年任右都御史掌院事

崔

文奎

山東新泰人進士嘉靖二年任右都御史掌院事

鄒

文盛

湖廣公安人進士嘉靖二年任右都御史掌院事

吳廷舉  
湖廣嘉魚人廣西蒼梧籍嘉靖二年任右都御史掌院事

張寅  
浙江蕭山人進士嘉靖三年任右都御史掌院事

聶賢  
四川長壽人進士嘉靖四年任右都御史掌院事

張琮  
應天江寧人進士嘉靖五年任右都御史掌院事八年災異自陳致仕

何瑋  
河南懷遠衛人進士嘉靖八年由禮部侍郎養病陞右都御史致仕

萬鏜  
江西進賢人進士嘉靖八年任右都御史十一年言事忤旨着爲民詳吏部尚書

王軌  
直隸江都人弘治己未進士嘉靖十二年任右都御史掌院事詳南京兵部尚書

周用  
直隸吳江人弘治壬戌進士嘉靖十三年任右都御史掌院事詳吏部尚書

王爌  
浙江黃巖人弘治壬戌進士嘉靖十七年任右都御史掌院事十八年致仕

胡訓  
江西南昌人弘治壬戌進士嘉靖十八年任右都御史掌院事詳南京兵部尚書

王以旂

應天江寧籍直隸吳縣人正德辛未進士嘉靖二十二年任右都御史掌院事詳兵部尚書

韓邦奇

陝西朝邑人正德戊辰進士嘉靖二十五年任右都御史掌院事詳南京兵部尚書

劉訥

河南鄆陵人正德丁丑進士嘉靖二十六年任右都御史掌院事詳刑部尚書

歐陽必進

江西安福人正德丁丑進士嘉靖二十九年任右都御史掌院事詳吏部尚書

端廷赦

直隸常山人正德辛巳進士嘉靖三十年任右都御史掌院事三十二年卒於官

周延

江西吉水人嘉靖癸未進士三十一年任右都御史

吳鵬

浙江秀水人嘉靖癸未進士三十三年任右都御史掌院事詳吏部尚書

王學益

江西安福人嘉靖巳丑進士三十四年養病任右都御史掌院事三十四年養病

倪嵩

直隸當塗人嘉靖巳丑進士三十四年任右都御史掌院事三十六年致仕

蔡雲程

浙江臨海人嘉靖巳丑進士三十六年任右都御史掌院事詳刑部尚書

王 鈞 浙江奉化人嘉靖癸未進士三十八年任右都御史掌院事三十九年陞南京工部尚書

盧 勳 浙江緒雲人嘉靖壬辰進士三十九年任右都御史掌院事詳南京刑部尚書

趙大佑 浙江太平人嘉靖乙未進士四十年任右都御史掌院事四十二年陞南京刑部尚書後起南兵未任

張舜臣 山東章丘人嘉靖乙未進士四十二年任右都掌院事四十二年陞南京戶部尚書

孫 植 浙江平湖人嘉靖乙未進士四十二年任右都御史掌院事

郭宗臯 山東福山人千戶所籍嘉靖己丑進士隆慶元年任右都御史掌院事

林雲同 福建莆田人嘉靖丙戌進士隆慶元年任右都御史掌院事

趙炳然 四川劍州人嘉靖乙未進士隆慶三年起未任卒詳兵部尚書

曹邦輔 山東定陶人嘉靖壬辰進士隆慶三年任右都御史見南戶尚書

劉自強 河南扶溝人嘉靖甲辰進士隆慶四年任右都御史見刑部尚書



曹亨

河南新蔡人嘉靖乙未進士隆慶四年任右都御史陞南京工部尚書

謝登之

湖廣巴陵人嘉靖丁未進士隆慶四年任右都御史掌院事陞南京刑部尚書

張瀚

浙江仁和人嘉靖乙未進士隆慶五年任右都御史陞南京工部尚書

魏學曾

陝西涇陽人嘉靖癸丑進士隆慶六年陞未任

傅頤

湖廣沔陽人嘉靖壬辰進士萬曆元年任右都御史二年陞南京戶部尚書

趙錦

浙江餘姚人嘉靖甲辰進士萬曆二年任掌院事

吳百朋

浙江義烏人嘉靖丁未進士萬曆三年任右都御史掌院事

李幼滋

湖廣應城人嘉靖丁未進士萬曆四年任右都御史掌院事

曾省吾

江西彭澤人嘉靖丙辰進士萬曆四年任右都御史掌院事

王好問

直隸樂亭人嘉靖庚辰進士萬曆五年任右都御史掌院事

汪文盛

人

進士萬

曆年任右都御史掌院事

謝鵬舉

湖廣蒲圻人嘉靖癸丑進士萬曆年陞未任致仕

劉斯潔

順天昌平人嘉靖丁未進士萬曆八年任右都御史掌院事

劉堯誨

湖廣臨武人嘉靖癸丑進士萬曆十年任

郭應聘

福建莆田人嘉靖庚戌進士萬曆年任

熊汝達

江西進賢人嘉靖甲辰進士萬曆十一年任右

劉思問

河南孟縣人嘉靖丙辰進士萬曆十一年任右都掌院事本年陞南京戶部尚書

袁洪愈

直隸吳縣人嘉靖丁未進士萬曆十二年任

辛自脩

河南襄城人嘉靖丙辰進士萬曆十二年任

海瑞

廣東瓊山人由鄉舉萬曆十四年任

耿定向

湖廣麻城人嘉靖丙辰進士萬曆十六年任

孫丕揚

陝西富平人嘉靖丙辰進士萬曆十七年任詳吏部尚書

衷貞吉

江西南昌人嘉靖己未進士萬曆十八年任右都掌院事十九年陞南京工部尚書

南京都察院左右都御史行實

張本字致中山東東阿縣人洪武末年由國子生擢揚州府江都縣知縣爲人直諒通敏有器識治縣有聲豪猾斂肅雖上官素名悍暴者不得下擾江都之民安之壬午年 成祖義兵及境率民治守其母夫人曰此天命也可違天以禍人乎遂率耆老詣軍門入朝內難平陞知揚州府永樂元年陞江西叅政是時江西唐琮在都司劉辰在布政司周觀政爲按察使三人皆負勁氣不相下琮觀政尤縱肆無忌憚事連軍民者各持說務已勝不復揆理有積滯數月不決者至則斷斷持正且漫詞和氣以導之而三人者皆惟言之聽吏弊素滋每事躬理吏無容

奸聲譽頓起四年召爲工部侍郎六年坐累謫交趾七年召還爲刑部右侍郎事有條理嘗奉命督北京河運至濟寧而病朝遣中官挾醫馳視并賜藥及貂裘竣事還益持敬慎議獄必究其情數發奸擿伏奇中而綱紀秩然二十二年 仁宗初嗣位重南京根本之地曰張本特立不阿首進南京兵部尙書兼都察院事毅然以革弊舉廢爲務元年復設行部被召入見言國家大計遂留行在兵部尙書詳北京兵部

杜智字

直隸太平府蕪湖縣人洪武二十九年舉文學授

隨州知州在州有聲以逋稅當謫戍廷臣疏其賢革除元年陞北平知府永樂元年陞陝西右布政使本年轉左二年丁憂五

年服闋補河南左布政使十二年以事下獄二十二年釋繫起  
南院右都御史掌院事洪熙元年卒賜葬祭

向寶字克忠江西南昌府進賢縣人資性穎異五歲能誦孝經  
七歲通四書章句過目不忘稍長肄業邑庠嘗從友人假通鑑  
綱目七日卽遣還之間舉以問答之如響洪武甲子科舉復行  
遂以書經薦於鄉明年登進士第丙寅授庫部試員外郎丁卯  
實授職方司員外郎階奉議大夫壬申丁外艱明年 詔起復  
仍前職丁丑秩滿陞通政使以不善奏對力辭改應天府階嘉  
議大夫戊寅坐事謫廣西蒼梧甲申 成祖入正大統復前職  
十二月中官私役應天府工匠 上召寶戒之曰數年軍旅之

供加以權豪橫肆百姓艱難京師爲甚命汝牧民當正直不阿  
宦者非有重權何用畏之聽其役民略不知拒公家凡役一夫  
必先告朕宦者役之而不告何耶爲京尹朝夕在朕左右尚畏  
人若外任小官當何如畏之譬爲人典守寶貨擅啓藏縱人私  
一取必不免責罰矣汝擅以朕百姓作人情可逃罪乎今姑宥爾  
若復蹈前非必誅已丑以譴逮獄憲臺庚寅冬左遷兩淮都轉  
運鹽判官未幾復訟繫南京乙未春宥復前職命督運糧餉  
并總督淮安諸郡漕運材木甲辰秋八月仁宗卽位驛召還  
欲擢用之適交趾缺按察使部首以寶爲奏上未許之遂命  
爲都察院左僉都御史朔日入謝陞右都御史階資善大夫未

幾復 命兼詹事府詹事 特賜楮幣羊酒寶鑑雖屢見挫抑而志於有爲到官不數日卽條陳八事以進其一曰錄用勲舊二曰設置諫官三曰選舉賢材四曰簡練將帥五曰責重有司六曰考覈吏員七曰監生資格八曰疏通鈔法其言皆懇切有裨於時政者 上命次第行之 宣宗卽位之初以南京根本命蒞南京都察院事宜德三年秩滿入 覲以疾乞休尋卒於南京之官舍年六十二 上賜祭命官給舟還其喪復 命有司治祠營葬

熊槩字元節江西南昌府豐城縣人本姓熊隨母嫁吉水胡冒其姓永樂辛卯登進士拜監察御史十六年擢廣西按察使



仁宗宴於禮部予道里費至則慨然以戢吏奸恤民隱爲已任十八年調廣東二十二年召至宣宗親政以常鎮蘇松浙東西諸郡豪右往往挾詐力持吏短長脅制州縣肆毒善良細民苦之特改大理寺卿命階中貴人往案之槩亦知上用已之意偏歷其地凡官吏之無狀民之尤無良爲巨蠹者籍其家盡械歸於京槩諸法聲振動於一時但用法過刻奸民并在勢者欲擠之騰口言於朝上遣御史廉問毫髮近似無所得還乃直其所爲用是上益信之賜璽書獎勵槩自信不疑於利害之當行除者皆列以聞四年入朝問勞有加特陞都察院右都御史往治南京院事槩材長於從政務持大體疑獄滯詞能立得

其情而志存平反每具獄推見至隱惟恐吏售其奸民有不得其平故凡被其理者人以無冤尤能嚴束羣屬恒舉古人剛方有志節者警之詞氣俱厲人人畏其威而莫不奉法遵職憲紀用振明年 賜誥命進階爲資善大夫未幾太夫人以壽終于私第官給葬祭命扶柩歸葬起視事八年召掌北京右都御史事詳都察院

陳勉字希進江西贛州府雩都縣人永樂丙戌進士擢四川道監察御史爲人清慎端方二十年陞廣東副使有政績二十二年以大學士楊士奇薦陞都察院左副都御史與右都顧佐同心振紀臺中肅然又持身清白佐亦重之宣德十年改南京大

理寺卿正統元年五月以三品九年考滿十一月復任景泰元年陞南京都察院右都御史掌院事二年致仕卒賜祭葬

張純字志忠湖廣江陵縣人永樂辛丑進士尋擢四川道監察御史宣德四年奏言南京國子監生有及一二十年未得進用有負朝廷作養之意請令兩京監生歷事授官相參取用庶免淹滯上從之於是移文取年深監生鄭讎等四百人送行在吏部選用屢奉差遣多著風裁正統元年陞都察院右僉都御史協理院事景泰元年陞南京都察院右副都御史兼提督江防操軍三年陞南京都察院右都御史掌院事素侈縱設席會諸僚惟總理糧儲右副都御史軒輊不赴旣而以卓食饋乏

亦不納衆益憚輒特介而薄純所爲五年陞南京兵部尚書叅贊機務詳南京兵部

蕭維禎名兆江西廬陵縣人宣德庚戌進士授刑部主事歷本部郎中正統九年陞大理寺右寺丞十四年車駕北征陞大理寺左少卿本年陞大理寺卿景泰三年陞都察院左都御史協陳鎰理院事與易儲議加太子少保四年陳鎰致仕專掌院事天順元年調南京都察院掌院事無所設施四年陞南京刑部尚書歷南京兵部叅贊機務詳南京兵部

石璞字仲玉河南彰德府臨漳人永樂庚子鄉貢入大學初爲監察御史宣德中遷江西按察司按察使正統二年以失匠降

副使璞剛介有治才所在著稱在江西時民娶婦三日矣婿婦往拜其家婿先歸婦後失之遍索不獲婦翁訟婿殺女婿不勝榜掠自誣服云棄屍前塘中官使人求之果得屍獄成獨璞疑殺其人而棄屍非深怨者不如是也彼初婚方燕好胡乃爾爾出囚問曰爾辭信乎囚叩頭曰信速死公之賜也屢問皆然璞計無所出乃齋沐夜焚香祝曰此獄關綱常萬一其婦與人私其夫既受污名又枉死於理安邪天其以夢覺我夜果夢人贈一麥字璞思曰兩人夾一人也獄有歸矣比明械囚首令待曉行刑囚未出璞見一童子竊向門內闕璞令人召入曰爾羽客胡爲至此得非爾師令爾偵禁囚事乎童人大驚吐實果二道

士素與婦通見匿之叢麥中江西號曰斷鬼石七年陞山西右布政時議修堯廟一夕大風拔木積廟前皆棟梁材十年轉左十一年進工部尙書十三年戊辰河決滎陽經曹濮至陽穀入潛河潰沙灣東隄入於海 命璞治之河決口塞明年己巳浙江處州盜起 命璞討平之景泰辛未也先寇獨石 命璞兼大理寺卿往總督宣大軍務璞充餉勒兵脩垣守險 康定帝賜璽書曰爾忠勤善謀素爲邊人信故爾命本年事平進太子太保六年改兵部尙書丙子湖廣苗叛奸民李珍魏玄冲往爲向道引之寇掠作讖文於湖湘訛言日騰民用大擾又命璞往璞以計生得珍玄冲檻送京師苗平還治部事天順元年致仕

四年庚辰 英皇召大學士李賢謂曰石璞純臣也聞其尙健  
然貧爲我以璽書召來璞至京 上召見文華殿璞服青袍繫  
素帶 上曰吾賜爾緋玉敝乎璞叩頭曰臣平生以孤忠奮無  
結納今臣自分填溝壑矣 詔至臣自知亡他途必臣有罪當  
誅譴耳 上說是時璞微賸乃命左都掌南京都察院事成化  
元年致仕歸五年卒

侍郎崔銑曰銑正德初奉 旨充 孝皇實錄叅對官見國史  
載石公功今求諸其家亡有也長老道公數事載之足見其素  
槩石公在山西其夫人與諸僚妻燕歸愠曰彼多金珠綺采吾  
布裙襖甚不稱布政妻也石公曰爾何坐曰席首石公曰使吾

墨於憲汝安得居此座且吾素不以妻子故得宦至此彼金珠  
綺彩者欲居汝席得乎明年其夫果有以墨寵者石公自司馬  
歸彰德無宅第假太僕行署居後竟不能治第有司令其家納  
金以行署長歸之予少聞城西孫平村高平渠南有石尙書別  
業巳卯春始過馬傍岸作屋三楹卑甚且閤屋左茅舍垣內僅  
一畝予訊其老僕屋卽公居蓋瓦則易之屢矣公歸買田僅百  
畝其孫貧四十畝售朱氏安陽某自典史歸石公許往其家盛  
治具凡上陳銀卣前列金杯十餘公見之問曰爾宦幾年曰未  
一考也曰胡歸乎曰刁民誣吾貪奪職石公曰使吾治爾爾焉  
能還鄉里哉拂衣出



野記云正統間石璞爲江西按察使王孟堅先生僉事清方端重文學淵邃且儀觀豐偉亦殊衆人而石才行猶人舉止亦輕率適又以失囚降副使士大夫莫不以台輔期王而以衆人遇石有占命者云石向去遠到腰王尙未艾也王當止五品壽亦不久後皆如其言然則人生脩短通塞皆本於命耶

林聰字季聰福建福寧州寧德縣人正統己未進士擢刑科給事中卽毅然以古直臣自矢車駕北狩內外多事侃侃在職知無不言景泰元年轉都給事中八月廷議迎復英宗之禮聰曰上皇北征爲宗社計也迎復禮宜從厚景泰二年奸臣建易儲之說事下廷議聰首言不可易事雖不能沮而人諒其

忠未幾改聰爲右春坊司直郎內閣大臣言聰不宜散置改補吏科都給事中聰居職久益蹇蹇以言自任吏部官選法未當或私有所徇者輒指斥改易至屬疏劾之必置諸理而後已當事者忌之王文尤銜其異已嗾御史王溥劾聰甥爲教官因聰言得善地下獄文欲寘之死會官廷議文致其罪以大臣專擅選法論死廷臣附會文意以禮部尚書胡濙言聰得不死左遷國子學正英宗復辟起左僉都御史山東饑命賑貸全活數十萬天順二年遷陞右副都御史江淮鹽徒橫行聰往擒其渠魁盜以寧息歸理院事成化二年江淮旱人相食詔聰撫之聰奏借江南糧及未運糧儲數十萬給民食且給之種三年陞

右都御史掌院事七年巡撫宣府大同號令明肅勸懲有法八年以疾致政越二年召赴南京都察院視事命兼提督操江十二年召爲刑部尚書詳刑部

王恕字宗貫陝西太原府三原縣人正統戊辰進士授大理寺評事歷左寺副操履剛正人不敢干以私陞揚州府知府天順間遷江西右布政使久之轉河南左布政使未踰年陞都察院右副都御史撫治南陽荆襄流民以內艱去會襄陽盜起詔恕起復會兵搗其巢盜平遂勅撫河南進左副都御史後改南京刑部左侍郎丁憂成化八年河道淤阻特起左侍郎總理九年改南京戶部左侍郎十二年雲南夷獠爲梗改都察院左副

都御史巡撫其地在雲南九閱月疏二十上由是直聲動天下  
進都察院右都御史十三年改南京都察院叅贊守備機務提  
督巡江十四年進南京兵部尚書仍叅贊詳吏部

李裕字咨德江西南昌府豐城縣人景泰甲戌登進士乙亥簡  
授河南道監察御史天順癸未轉山東按察使成化庚寅轉陝  
西布政使下車踰月召入爲順天府尹癸巳轉都察院右副都  
御史總督漕運兼巡撫盧鳳淮揚諸郡戊戌丁外艱壬寅服闋  
至京留理院事癸卯進右都御史甲辰調南京都察院丙午考  
績至京轉工部尚書詳吏部

屠滸浙江寧波府鄞縣人成化丙戌進士五年選湖廣道監察

御史十五年用王越薦特陞本院右僉都御史未二年陞左又  
二年陞右副都御史二十一年陞右都御史弘治改元奉勅  
總督兩廣軍務兼巡撫以親老乞終養不允二年勅還掌院  
事明年感疾詔暫免朝參又遣中貴人御醫臨問賜牲米  
酒菜以久病乞還俸不許四年以病歸省途聞徐夫人喪六年  
服闋適南京右都御史缺員吏部會舉瀟上特命回掌院事  
尋陞左都御史詳都察院

黃紱字用章平越衛人正統戊辰進士詳南京戶部弘治五年  
由南京戶部尚書奉特旨改左都御史掌南京憲院天下方  
仰望風采自以歷侍五朝數歷中外凡五十年慈直崖異忤人

獲名伏禍難測又盛滿宜戒於六年引年懇乞骸骨居無何疾作竟不起年七十有一所爲奏議及政績并所著文詩悉棄不留晚嗜叅同契號精一道人蟾陽子有註本獨存

李夢陽曰黃公爲左都御史則嚴甄御史量能委之火其差簿於庭曰事貴得人耳資勞久近豈立官者意哉當是時言官能毀之黜否耶斯爲政在人邪抑時不同邪公焚奏草自泯其嘉美視汲汲流今而信後者又何如邪江南食鹽錢法民苦包攬梏勒呻吟公爲尚書力條欲折銀狀以聞至今行之

張悅字時敏直隸華亭縣人天順庚辰進士授刑部主事歷員外郎奉職守法以不欺爲本陞江西僉事持大體不事苛察陞

浙江提學副使成化甲辰以湖廣按察使朝覲時中官尚銘在東廠任事衆羣趨其門悅獨不往銘銜之伺察無所得銘敗而其名益彰二十二年進都察院右僉都御史二十三年陞工部右侍郎弘治元年遷禮部二年再遷吏部五年轉左癸丑大旱上陳遵舊章卹小民崇儉素裁冗食禁濫罰數條并脩德圖治二疏皆嘉納之時尚書王恕負時望尤倚信於悅凡有言無弗從嘗兩憚選衆議翕然稱允六年陞南院右都御史特厲風紀臺中肅然八年陞南京吏部尚書

鄧廷瓚字宗器湖廣岳州府巴陵縣人生有美質穎異過人景泰丁卯年十八登湖廣鄉舉甲戌擢進士第明年授知浙江淳

安縣抵任訪民疾苦專施惠政不求赫赫名終九載人無知之者故兵部尚書張鵬時以都御史巡撫廣西獨知之薦知梧州疏且上會丁嫡母憂不果服闋爲成化己丑遷太僕寺丞十年貴州新設程番府府在萬山中百具未舉加以夷僚雜聚猝難撫治吏部求其人得廷瓚曰是前薦知梧州者至則悉心規畫凡城郭街衢及廟宇解舍以次興造榜諭諸夷使授約束政令公平莫不感化懇田不踰入市不侵四境晏然蔚如中州上司以其治績異等交章薦舉吏部以民夷方安其治宜久任以慰之十九年滿九載始罷山東布政司左叅政提督農務兼管水利弘治元年戊申再擢本司左布政使二年貴州缺大臣巡撫



朝推右副都御史奉

勅行俄丁母憂四年服闋適貴州黑苗

久叛益肆守臣告急

上仍勅往視兼提督軍務尋改巡撫提

督如故初至百計遣人招撫不從始合衆謀儲糧調兵決策征

剿兵至其地號令嚴明將校用命斬首幾六千級生獲二十餘

口械首惡數輩赴京悉斬於市六年寇既盪平上奏都勻清平

舊設二衛所屬合九長官司其人世祿裔縱稔惡釀患致夷人

侵田奪貨逞欲無厭已四十餘年於此軍疲於戍守民困於轉

輸其害不可勝言今幸黨惡消除非大更張不能爲保境安邊

之計凡所條陳十一事下兵部會議悉見施行始設都勻府一

獨山麻哈州二清平縣一更擇流官土官兼治初遣養子襲子

乾馳入京報捷 朝廷旣授乾以錦衣衛所鎮撫卽下 詔褒  
有首決用兵之謀共成平賊之功之語遂進右都御史八年因  
貴州無事召還掌南京都察院事兩廣自成化初故都御史韓  
雍平寇之後開府梧州率以憲臣有才望及才高者總督軍務  
兼巡撫之寄掌院事數月復輟之往性不瑣瑣細 王是益思  
以安靜爲治屬吏有賢勞者輒舉薦以勵其餘或不職特去其  
一二太甚者若諸司濫設悉奏除之曰祿俸出於民毋徒費也  
顧羣蠻以刼掠爲常往往出沒閩楚諸郡以都御史金澤巡撫  
徧方非宜宜以江西一省全付之使二司並聽節制庶軍馬錢  
糧可以調度其湖廣衡州設兵備憲臣合還治所於郴州爲便

又以廣東瀧水爲賊巢宜卽其地設千戶所調遣新軍守禦仍  
宜給與隙地屯種以爲久計奏上悉從之於羣蠻結以恩信兵  
不輕出出則成功若鬱林川雲爐大桂諸種作亂以次平之其  
後四會等處乘機竊發其勢尤熾未幾首惡李景先覃傑及其  
黨二百餘人悉被斬獲兩廣竟亦無事而公出入溪谷衝冒瘴  
霧則亦病矣十年上章乞歸甚懇 賜詔勉畱特遣醫往視仍  
進左都御史以酬其功十四年 上知久勞邊務 召還復掌

南京都察院事未行以疾卒享年七十一贈太子少保謚襄敏

翟瑄字

河南河南府洛陽縣人天順甲申進士授奉化知

縣八年擢浙江道監察御史 嘉十八年起復補山東道御史

十九年冬陞南京大理寺左寺丞二十三年歷陞都察院右僉都御史弘治四年陞都察院右副都御史俱管院事九年陞南京右都御史掌院事十三年陞南京刑部尚書詳南京刑部

陳道字德脩直隸鳳陽府盱眙人天順甲申進士成化元年授吏部文選司主事未幾坐累調南京刑部歷員外郎郎中清謹守法門無私謁都人因有板陳之號刑部諸司惟廣東最稱繁劇道司獄無留滯時莊懿周瑄爲尚書雅重之丁酉值內艱十六年服除改南京兵部武選甫餘年擢知浙江金華府弘治戊申陞陝西右叅政壬子遷雲南右布政使踰年轉陝西左布政使乙卯進擢都察院右副都御史奉勅巡撫河南具疏陳地

方利害謂彰德等府與山西直隸錯處水旱之餘民多爲盜宜專設武臣陳州境隣直隸潁州數百里盜所出沒宜增添縣治黃河之決河南爲上源而患及直隸大名府等處濬治夫役宜屬之河南事下公卿議奏多從其言又以宗室爲繁衍而無籍之徒肆爲撻置貽患甚大乞嚴加禁約以篤親親尤人所難言迄今語地方事宜者賴之戊午召爲刑部右侍郎未幾轉左庚申南京都察院掌院事缺員遂陞右都御史以往踰年改南京刑部尙書詳南京刑部

張敷華字公實號介菴江西安福縣人天順甲申進士改庶吉士成化乙酉授兵部主事歷員外郎進郎中十年出爲浙江右

參議十一年以秩滿進浙江右叅政未幾陞浙江右布政使弘治元年轉湖廣左轄四年進都察院右副都御史巡撫山西道聞母喪六年服闋仍舊任未幾改撫陝西九年改南京兵部右侍郎十二年陞都察院右都御史總督漕運十四年改南京都察院右都御史掌院事振揚風紀鈐束各道無緣法爲市務崇大體慎廉隅又介特嶄然不輕言笑與林公瀚林公俊章公懋一時稱爲南都四君子十八年進南京刑部尚書詳都察院金澤字德潤應天府江寧縣籍浙江寧波府鄞縣人成化丙戌進士七年授刑部雲南司主事改南十年陞湖廣司員外郎十二年陞四川司郎中獄獄明允人以不寃十三年丁憂十六年

補南京兵部職方司郎中屢著才幹十九年陞四川右叅議二十三年陞四川右叅政播州宣慰厚饋以金幣毅然麾之至以庶長奪嫡竟寘之法華三長官司撫安七十二寨夷民駢首歸命流賊李廣燭聚五千餘人戮通江官吏領其帑藏東鄉王伯榮效尤犯順焚蕩縣治澤前後設書偵其渠魁而殲之銅梁新設民多負固相循有方咸帖然服獲賊野王圍鼓衆徂徠充斥湖陝上命三省督兵會勦澤下重賞之令竟礮剛於市弘治五年陞廣東右布政使七年轉左時汀漳盜起郡縣有司無遠略不急捕其勢寢熾而嶺南湖湘之不逞者從而和之四散剽掠劫富室燔民居掠帑藏殺官軍閔然爲東南郡縣患有司始

駭而圖之儲其東則發於西剿其南則竄於北八年八月時鎮  
守江西大監鄧原暨巡按監察御史都布按三司議以爲盜之  
未平以政令不一而隣境有司不肯協心故也宜設巡撫憲臣  
置司要地以節制之而割附近郡縣以隸之則盜易平也廼具  
奏其事 孝皇俞其請因陞澤爲都察院右副都御史俾巡撫  
江西 勅書備云江西南安贛州建昌福建汀州廣東潮州惠  
州南雄韶州各府湖廣彬州地方交界去處盜賊生發事無統  
屬難於緝捕而江西撫州臨江瑞州等府盜賊成羣肆行劫掠  
毒害軍民近來尤甚 特命爾通行巡撫江西并各府州縣交  
界地方嚴督所屬操練軍兵修理城池撫安軍民捕滅盜賊祛



除奸貪凡事干賊情軍馬錢糧等項與鎮守太監重讓協和計議而行各省兵備守備等官俱聽節制調度爾多在南懸等二府住劄往來巡視但有盜賊即便設法勦捕尤須選委廉能屬官密切體訪及僉所在大戶并被害之家有智力人丁設法追襲量加糧賞或募知因之人務拏真正賊犯不許妄拏頂數及容賊挾讐攀引因而嚇取財物擾害良善每月奏報已未獲數用憑稽考凡遇饑荒設法賑濟城池圯塞卽行築濟軍器或有損壞量宜修備司府衛縣官員中廉能公勤政務頗舉者量加獎勵其有隱蔽賊情退縮不捕及貪酷不才者除文職五品以上及軍職具奏區處六品以下爾卽拿問輕則量情責罰重則

一送發巡按御史及司府官究治事有便於軍民地方者悉聽爾  
便宜處置具奏當與巡按三司計議者亦須公同計處務使民  
安賊息地方無虞斯副簡任澤奉勅撫定便宜從事先榜令  
自首乃嚴督緝捕斬賊首潘天明等八百餘顆論功罪明賞罰  
人多感奮思效衛獠洞蠻聞風向化四邊以寧又因四省交錯  
緝捕官員責不專一每有警急事難責成先該鎮守江西太監  
鄧原奏行將寧都會昌信豐瑞金安遠石城龍南七縣各添設  
主簿一員專一捕盜惟廣東潮州府五縣惠州府七縣南雄府  
二縣福建汀州府八縣湖廣郴州五縣江西南安府二縣建昌  
府四縣慈州府三縣俱未添設機快捕盜無律盜縣縱橫無忌

又奏行將前各府州縣不分全設裁減州添判官縣添主簿各一員並不別差專委操練機快緝捕盜賊遇有緊急調用責成又瑞金縣招集鄉湖陂山場去縣六十里僻在一隅俱係深山險峒林木陰翳先年強賊藏隱在彼打劫石城縣殺死人民丙辰年澤具奏於湖陂山場設立巡檢司一所又檄下撫屬設立關隘僉編附近居民之壯者防守要津禁遏姦細後各縣因地方險易不同道理遠近亦異而有所增損然莫非祖述前意也又增高惠州舊城一尺并信豐興國南康永寧舊城圯破俱檄修葺又創巡撫院於廣州府憲轅學校俱檄重建凡百政令皆行之可久而無弊者十二年陞右侍郎十五年改

京兵部侍郎十八年陞南京都察院右都御史掌院事正德元年致仕

高銓字宗選直隸揚州府江都縣人成化己丑舉進士授大理寺右評事潛心條格上疏言優致仕申比附分曠職杜詐作辯盜情廣收贖六事皆中時弊出錄福建囚平反至百餘人丙申擢山東僉事遭母憂戊戌服闋補河南弘治元年陞浙江副使攝司事清案牘羣吏屏息勾考戎籍宿弊盡革五年陞河南按察使風紀整肅河決張秋命官浚治銓建治河十二議贊畫居多賜白金文綺八年陞右布政尋左會入覲吏部奏銓治爲天下異等九年陞右副都巡撫保定立九則編徭役慎固邊

園時奸人有獻 皇莊者實皆民田侍郎許進等奉 命會勘  
寃聲撼野至歐州縣吏不得行許遽欲執以復命銓曰若是固  
爲民至意恐萬一不測如重民得罪何請勘實以聞 上雅愛  
小民必不忍奪其生業以利左右奏 上果然十三年陞南京  
工部右侍郎屢掌吏戶兵三部事癸亥江淮饑復領賑濟陳荒  
政八事多行之正德元年陞南院右都御史諫獄精允人以爲  
不寃本年陞南京戶部尙書詳南京戶部

熊繡字汝明其先江西豐城人籍隸湖廣寧遠衛自幼穎敏不  
凡年十四補道州學弟子員成化丙戌登進士丁亥除行人奉  
使 楚府及巡禁四川茶課土官一切饋遺雖一扇不受士論

多之辛卯除貴州道監察御史立朝審諤有器識凡百論議持大體略苛細奉勅巡河風聲丕振一日過廣平寒甚借守裘後還之守以鄉里故新製一裘遺之竟却不受乙未巡按陝西發姦摘伏無所假借由是貪夫斂跡十一年右布政使于璠賊跡敗露棄官夜遁遣人追之急璠遂遣子誣繡他事逮至京卒無驗璠落職璠所親當路力主謫知清豐縣陝民訴冤於

朝者數百人有熊繡再來天有眼于璠不去地無皮之語在縣盡心民瘼不事逢迎均徭薄斂立重輕歲給之法常單騎循行鄉社等第其民戶高下凡貧而老死無依者悉爲之殮葬一縣化之二十一年乙巳陝西大稜父子相食適鳳翔缺守難其人吏

部舉往行之日民遮留痛哭如失父母六月履任三日而雨是歲遂登郡大治先是繡巡按辯一疑獄其家繪像報祀聞至持以見遣之弘治庚戌陞山東左叅政癸丑轉本司右布政使甲寅陞右副都御史巡撫延綏地方盡心邊務威名大著虜人不敢犯邊者久之丁巳考滿得貤封三代適丁母憂庚申起復陞兵部右侍郎甲子轉左性剛方清介與人寡合人不敢以私干大司馬劉大夏甚器重之凡邊情重務必與商確而後行奉命清騰驤四衛勇士得其虛冒糧餉者幾萬人由是權貴皆銜之時孝宗勵精脩治召二三大臣商確治理繡與劉大夏戴珊尤被親近未幾孝宗上賓衆嫉之因舉爲右都御史出撫兩

廣益遠之也至廣首征獍苗負固者餘皆以恩撫之地方悉定  
舊例供應甚厚一切裁革日惟廩給數升而已正德丁卯逆瑾  
用事密使人踪跡其人回嘆曰熊某廩給外無一毫過語可指  
吾且奈何瑾竟不能害二年取南京掌院尋令致仕歸之日雖  
紙筆藥餌一無所取 朝廷以先征苗功賞以金帛瑾賊輩怒  
不已乃以延綏浥爛布豆爲巡撫時事罰米五百石責親輪比  
至舊屬爭欲代輸皆力辭自是家居閉門觀書不預人事不入  
官府鄉里亦不敢干以私澹如也乙亥卒年七十五歷官四十  
三年致仕者七年始終一節前巡撫湖廣都御史秦金具 奏  
贈南京刑部尚書賜祭二壇給二品葬



太僕少卿何孟春疏曰故都御史熊繡事母能孝事兄能友居  
貴能貧居富能儉剔歷中外四十餘年守法奉公推賢嫉惡不  
邀時譽不狃近功言無爽於屬垣行弗虧於顧影

張鼐字

■

山東濟南府歷城縣人成化乙未進士授廬陵縣

知縣擢

■

道監察御史抗疏劾李孜省謫彬州判官弘治元

年起河南僉事七年陞河南右叅政十六年陞都察院右僉都  
御史巡撫遼東十八年改撫宣府正德元年陞都察院左副都  
御史佐理院事二年陞南京都察院右都御史掌院事三年逮  
獄削職

洪鍾字宣之浙江錢塘縣人成化乙未舉進士授官刑部主事

庚子陞員外郎丁內艱丙午起復陞郎中尋慮囚山西丁未江西福建流賊甫定承命往審處之弘治乙酉陞江西按察副使癸丑陞四川按察使丙辰入覲陞江西右布政使丁巳轉福建左布政使戊午歷都察院右副都御史巡撫順天等府兼整飭薊州諸邊備名稱藉甚然權貴人之扼勢失利者數短於上遂改雲南巡撫再改貴州頃之召還曾理漕運兼巡撫鳳陽諸處正德丁卯陞右都御史仍舊漕政戊辰命掌南京都察院事尋陞南京刑部尚書詳都察院

王鑑之字明仲號遠齋浙江山陰縣人成化戊戌進士初任直隸真定府元氏縣知縣歷陞左副都御史巡撫湖廣奸豪膽落

吏畏民懷正德元年陞南京刑部右侍郎未期轉刑部右侍郎  
之任轉左時河南徽世子累奏庄田不結 命往鞫之係民者  
悉歸於民上下帖然陞俸一級推陞南京都察院右都御史將  
任陞刑部尙書詳刑部

張泰字叔亨廣東廣州府順德縣人成化丙戌進士授沙縣知  
縣爲人端謹樂易政尙寬平而公庭亦無留事民愛戴之嘗修  
飭學校重建先賢祠修建縣治事集而民不擾公暇輒戾學躬  
勵諸生學業甫三載以賢能徵授浙江道試御史巡視通州倉  
革包攬之弊言及 宮闈與政 上怒杖責之幾死提督京畿  
學政公明爲衆推服丁憂養病十有餘年弘治壬子復起出按

雲南奏開解額五名繩賊吏之尤無良者先是象馬思揲執木  
邦宜慰司罕乞法囚禁四十年泰於是會議檄各漢土官兵臨  
其境以公移諭之思揲感悔遂送罕乞法復其故業械其首禍  
者請罪積患一朝頓釋復命劾中貴楊戴二人及戚里壞法者  
上怒甚旣而霽威罰俸半年尋陞南京太僕少卿又改大理寺薊  
州 皇莊與牧馬草場爭地界奉 命會武臣清理泰密訪得  
永樂中開設圖本按之權貴始服十八年乙丑陞右副都御史  
總督南京糧儲遂疏專委任清允支均俸糧稽住俸省守支十  
二事俱允行正德丁卯歷工部右侍郎公出納杜請托戊辰陞  
南京都察院右都御史時逆瑾虐焰熏灼所求不副其禍立至

泰當奉表入賀惟以土葛布遺瑾瑾知清苦然猶憾之會  
吏部以南京戶部尙書員缺疏泰姓名以請內批陞戶部尙  
書着致仕詳南京戶部

吳文度字憲之應天江寧人成化壬辰進士授浙江龍泉知縣  
徵拜南京山東道監察御史秉持風采多所建白丁未擢知汀  
川府民相與立祠勒石祀而頌之弘治戊午擢江西右叅政壬  
戌進山西右布政使閱歲轉河南左布政力富力贍一時弊政  
釐革殆盡下和買之令禁無名之役人至於今稱之乙丑拜都  
察院右副都御史巡撫雲南屬夷酋阿本負險稱亂文度至撫  
先文告猶弗率乃進師親臨行陣擒其渠魁地方大定夷民

貢賦如中土捷聞 天子降勅獎諭錫與甚厚正德戊辰擢戶部右侍郎尋轉左未幾拜南京都察院右都御史逾瑾用事索賄文度弗應是歲冬改南京戶部尚書致仕詳南京戶部

張憲字廷式別號省菴江西德興縣人成化壬辰登進士授考功主事歷員外郎郎中弘治二年陞山東左叅政六年陞浙江布政使十年陞順天府尹十四年陞工部右侍郎總理易州山廠十八年還蒞部事會 武宗卽位命兼都察院左僉都御史清理閩浙鹽法三品九年考滿陞右都御史仍督其事將就緒正德二年賊瑾專政議革巡撫召還以瑾勢徘徊於道久之三年始得蒞院事四年復改南京都察院本年陞南京禮部尚書

詳南京禮部

劉洪字希範湖廣承天府鍾祥縣人領成化戊子鄉薦登戊戌進士己亥宰山東陽穀六事修舉甲辰擢雲南道監察御史嘗巡兩淮鹽剔蠹刻穢國課充足弘治戊申按雲南劾叅使大臣不法者官吏望風震縮時監試場屋取士得人又制孟養悍夷不敢橫庚戌詔修祧廟命董其役告成賜白金文綺在道幾七載鵬騫隼擊風裁凜然壬子擢浙江按察司副使發奸擿伏恩威並著凡毀菴寺立鄉塾建分司闢險隘俾民知嚮方戊午擢廣東按察使釐革諸司積垢及處海舶番人治徭獮切中時病遠近快之壬戌七月陞右僉都御史巡撫貴州先是貴州

女苗米魯祐福煽亂一方勢孔熾司徒公安王軾嘗督師征勦  
雖元惡就戮而支黨普安阿方車等竄逸山寨尙阻險拒命人  
心惶駭洪至首追劾先時守臣邀功啓釁之罪削奪恩蔭遂練  
兵誓衆檄宣慰使貴榮父子指授方略協力効命草薶而禽獮  
之一境始平又議增築新興平夷所諸要害城郭定夷民姓氏  
黜官吏貪鄙凡興利除害事宜悉次第行之不憚餘力功上  
孝廟賜勅褒獎謂大司馬劉公大夏曰劉某會幹事益 上以劉  
公薦之也時議欲進秩督蘇松糧餉衆以貴州甫定未可遽移  
他所乃止甲子四川松茂番夷復肆亂 上以洪久諳戎務復  
改蒞巡撫賜璽書俾專征討乃建戰守二策申嚴號令躬率諸



路軍馬捕勦且宣布朝廷德意示以福禍散撫其衆由是列  
柯空龍二寨爭相斬首惡出獻納欵疆場遂清又議令各鎮副  
叅遊擊將領及兵備官僚每歲一交會以籌畫邊計勞績雄偉  
孝廟復賜勅獎諭武宗登極進擢右副都御史又奏改松藩疊  
茂河道以絕番人出沒之患關東路以平物價復舊制以據形  
勝查土軍以治番夷修關堡以固扞禦肅綱紀以戢奸慝定體  
式以協戎事重儲峙以實邊用恤舍餘以防戰守九事及查理  
站丁疏通鈔法革冗食禁妄費諸務咸中肯綮在蜀一年丁外  
艱歸戊辰服闋上京師時逆瑾用事以洪平日抗已思欲中傷  
之乃摭撫瑣細罰米二百輸松藩洪亦不少屈會兩廣缺巡撫

上卽擢爲右都御史總督軍務得便宜從事值時勢艱危洪朝謀  
夕慮惟安輯是圖不遑啓處惠潮二郡河源龍川興寧程鄉等  
四縣東與福建武平北與江西龍南諸邑爲隣境山嶺聯亘道  
路嶮巇盜賊竊發民無寧歲而賊首若林貴謝祥鍾仕高輩聚  
克醜恒至萬餘人攻劫焚虜慘不忍言人甚苦之洪訓兵積儲  
百需咸備卽督率郡師兼調狼兵合數萬餘勵氣奮勇至抵巢  
穴環圍而攻之甫兩月俘斬七八千人追回被虜男婦一百五  
十二名口奪獲資蓄器械無算諸兇盡戮餘黨悉平捷聞上  
賜勅獎諭兼白金文綺廣東韶州屬邑樂昌仁化與湖廣郴桂  
徭賊構逆復調狼兵及軍二萬捕誅無孑遺上復有白金文

綺之 賜兩廣用兵惟調取狼兵資費甚大其道經水陸所在  
蹂躪不減於賊洪處置悉預紀律亦嚴尤責令土官禁土兵侵  
掠之患民得不擾庚午再議削平府江蠻寇之策方擬入奏而  
改柄南臺之 命下矣始逆瑾擅權言路壅塞洪力振風紀直  
氣復伸往時臺獄多爲權貴沮撓悉論以法不少徇避淮揚流  
賊充斥揚言欲趨犯應天等處洪倡建大議俾分兵據險以遏  
其衝且謂長江不可恃責操江都御史以慎固封守之義因疏  
論黜陟武臣賢否如文臣例以求將材而責實効尤切時宜辛  
未丁繼母憂甲戌春服闋當道推薦數次俱未遇洪亦以衰老  
漸逼不出築室於所居石坡南取莊子寓言陳人貯書之說自

號石坡陳人貯書其中以自娛教子樂道飲酒賦詩陶然也乙亥二月以疾終壽六十九

戈瑄字廷玉直隸景州人成化乙未進士授嵩縣知縣以循良名十七年擢廣東道監察御史弘治七年陞四川兵備副使十五年陞山東按察使十七年陞浙江右布政使正德元年歷陞江西左布政使四年陞南院右副都御史兼督江防五年改南京大理寺卿六年陞刑部右侍郎七年陞南京都察院右都御史掌院事九年陞南京刑部尙書詳南京刑部

黃珂字  四川潼川州遂寧縣人成化甲辰進士二十一年授龍陽知縣弘治二年丁憂六年復起擢陝西道監察御史十

七年陞山東副使正德三年陞山西按察使四年陞都察院右僉都御史巡撫延綏六年陞戶部右侍郎七年改刑部右侍郎本年改左九年歷兵部左侍郎本年陞南院右都御史十年陞南京工部尚書詳南京工部

鄧庠字宗周湖廣郴州宜章縣人成化壬辰進士授行人司行人擢浙江道監察御史丁憂起復補河南道監察御史弘治四年陞河南副使十一年陞河南按察使十二年陞廣東右布政使十四年陞廣西左布政使十五年陞都察院右副都御史總督南京糧儲本年回籍正德六年起原職撫河南地方本年丁憂十年起陞南院右都御史掌院事本年陞南京戶部尚書十

四年致仕詳南京戶部

洪遠字克毅號弘齋直隸徽州府歙縣人成化戊戌進士授莆田知縣聞喪卽日解官就道郡守知其清貧爲給路費士民攀送擁道不得行甲辰起復改知濬縣值歲饑極力賑濟全活甚衆踰二載丁父憂弘治庚戌改知交河縣甲寅召拜南京福建道監察御史數言事事干權幸人所不敢言者公獨言之一時稱真御史擢浙江僉事時弘治庚申也公歷巡五道搏擊豪強安輯良善甚得憲體壬戌兩浙大饑公分賑嘉湖二郡獨無流殍甲子陞本司憲副奉勅巡視海道憲使久缺握篆幾一年諸道肅清正德丁卯詔裁方岳之續設者遂調湖廣分巡湖

南二道時侍郎韓公福奉 勅督逋負韓附權貴操切嚴急民

不忍累公輸者恐後韓亦驚服侍郎畢公亨奉 命賑饑分地

任事獨委公以全楚之半事畢公與巡按鄭君宣並聞於

朝已巳陞廣西按察使庚午陞四川右布政使辛未冬陞陝西左

布政使適三邊有警調度不乏卒賴以濟總制張公泰有寧夏

巡撫之舉 朝廷加羊酒表裏之賜在陝亦積有羨餘二千緡

吏以堂食應得告公籍記而貯之庫一毫不以私閏五月陞都

察院右副都御史奉 勅巡撫雲南黜貪獎廉不數月而六詔

肅然鎮守中貴誅求太甚公數抑之中貴屢欲中傷索公無可

得乃已甲戌改南京大理寺卿乙亥冬轉南京都察院右都御

史公正直忠厚務持大體爲僚屬倡諸言事者皆切時弊愜人心以詆訐爲戒御史林君有年諫取活佛忤旨逮赴詔獄桎梏無以爲資公助之月俸復率臺中上疏救之已卯轉南京工部尚書詳南京工部

陳玉字德卿山東沂州衛籍直隸揚州府高郵州人弘治癸丑進士改翰林院庶吉士八年授福建道監察御史十二年陞浙江按察司提學副使憂去十三年服闋補福建副使正德初年陞應天府府丞六年陞都察院右僉都御史理院事八年陞兵部右侍郎九年陞兵部右侍郎十四年陞南京都察院左都御史掌院事嘉靖元年致仕卒贈太子少保



楊旦字晉叔別號思菴福建建寧府建安縣人弘治庚戌登進士授吏部驗封司主事卽見重於太宰三原王公恕丙辰陞考功員外郎己未陞稽勲郎中辛酉轉考功風采剛方品藻精確人罔敢干以私兩秉述職之衡黜陟惟允甲子陞太僕寺少卿乙丑改太常正德丙寅乞恩歸省丁卯起復忤逆瑾以違限例出知溫州庚午起爲浙江副使督學政所校士允愜公議辛未逆瑾誅又起爲應天府丞尋進尹順天壬申陞南京禮部右侍郎嘗攝國子監事士心歸之尋轉禮部右侍郎掌太常寺事裁抑浮費民力賴以稍紓丙子改戶侍奉勅總督京通等倉時總督監督中貴人多日剗剔奸蠹持正不回屬官倚以爲重而

中貴人人亦自服丁丑西羌回賊犯順奉 勅督理糧餉所在  
充足開中鹽課以其餘均給三邊及賞哈密有功人尋陞都察  
院右都御史總督兩廣軍務兼理巡撫抵任乃肅紀綱飭武備  
省刑獄汰苛濫百度燦然一新聞母周夫人訃奔喪歸 世廟  
壬午服闋遂起掌南院尋陞南京戶部尙書見吏部

王懋中字時與號心遠江西吉安府安福縣人成化甲辰進士  
授南樂知縣五年陞南京刑部陝西司主事九年陞本部廣西  
司員外郎十二年陞雲南僉事十七年陞雲南副使本年守制  
正德二年補福建副使六年陞山東左叅政七年陞山東按察  
使本年陞湖廣右布政使八年陞浙江左布政使九年陞都察

院右副都御史巡撫雲南地方操履清介方正不避權貴十一年奏免場課數事忤權貴懇疏乞歸家居者四年扁心遠堂以見志閉門端坐晏如也安成有宦譜名稱懋中爲首十四年宸濠叛倡集義兵告變於都御史王守仁知府伍文定力贊討之其功居多十六年起原職巡撫鄖陽等處地方本年六月改南京都察院右副都御史兼督江防十二月改都察院右副都御史理院事嘉靖元年陞南京都察院右都御史掌院事二年以疾卒於南京時年六十有四有心遠集藏於家贈太子少保崔文奎字應宿山東濟南府新泰縣人成化甲辰進士明年乙巳授刑部主事弘治三年庚戌陞員外郎四年辛亥陞郎中十

一年戊午陞河南按察司副使十七年甲子陞山西布政司叅政丁內艱遂下外艱至正德庚午再除河南是年秋陞左布政使壬申陞南院副都御史督糧乙亥陞工部右侍郎嘉靖二年陞右都御史遂晉南京工部尙書明年甲申引年致仕蓋七十有六詳南京工部

鄒文盛字時鳴湖廣荊州府公安縣人弘治癸丑進士授吏科給事中十二年守制十五年補原職本年陞刑科右給事中十八年陞兵科左給事中本年守制正德三年補原職本年歷陞戶科都給事中四年陞保定府知府六年陞山東左叅政八年陞福建右布政使九年陞雲南左布政使十一年陞都察院右

副都御史巡撫貴州地方十四年歷南院左副都御史兼督江防十六年陞戶部右侍郎嘉靖二年陞本部左侍郎本年陞南院右都御史掌院事三年陞南京戶部尚書六年召任戶部尚書詳戶部

吳廷舉字獻臣湖廣嘉魚縣人成化丁未進士授廣東順德知縣歷右副都御史正德十六年陞兵部右侍郎疏犯輔臣改南京工部嘉靖二年改南京戶部本年進南京右都御史折豪強植貧弱禁私驛止妄供所至有聲三年進南京工部尚書

張嶺字時峻號楓丘浙江紹興府蕭山縣人成化丁未進士弘治改元簡纂憲廟實錄己酉八月知江西上饒縣三年陞南

京兵部車駕司主事庚申遷本司員外郎相繼丁內外艱甲子  
服闋改南京刑部河南司員外郎乙丑陞本部貴州司郎中正  
德戊辰出守興化己巳以事忤逆瑾罷歸家居瑾誅詔復職  
辛未起守南雄朞月卽擢江西右叅政癸酉七月蒞江右贊理  
軍政民務功績顯著甲戌正月朝廷特加旌異勞以綵段羊  
酒尋遷右布政使乙亥轉左時宸濠潛蓄異謀欲拓府居以擬  
大內創陽春書院以招逆黨奪官池以賄謀主一切拒之濠爲  
掣肘語於人曰病風子下丑述職考復居優錫宴內府位列  
方面第一濠忌膺要擢賄置散地於是任南京光祿寺卿戊寅  
二月擢都察院右副都御史巡撫保定等府兼提督紫荆關等

俗多闕宦秉公不少假借通武廟西狩性堅江彬錢寧輩誅

索郡邑一無所應羣小怒蔡蔡蔡即移疾之休辛亥夏以薦起

都察院右都御史督兩廣軍務兼理巡撫勅許便宜從事時

上思州土官黃鏐借不臣三廣合勅以計擒之不煩寸兵

上以爲奇功復賜白金綵段新等縣嚴阮蔡猛三等據險不靖

率兵征之平寨二百餘所斬獲二萬餘人捷聞降勅獎勵勞

賜有加三年疏凡百上無不允行會謗言漸興具疏乞休不允

甲申取掌南京都察院事乙酉五月蒞南臺總特風裁不激不

撓有犯皆以法治之無所顧避於是擠者日益衆十一月陞南

京工部尚書見南京工部

聶賢字承之四川長壽縣人弘治庚戌進士五年授武昌知縣  
七年調麻城十一年擢山西道監察御史正德元年避逆瑾養  
病五年瑾敗起雲南副使七年以憂去九年再補湖廣副使十  
二年陞湖廣按察使十四年陞湖廣右布政使十六年陞河南  
左布政使本年陞都察院右副都御史提督南贛汀漳等處軍  
務嘉靖四年改南京都察院右副都御史兼督操江本年陞南  
京右都御史掌院事五年陞南京刑部尚書詳刑部

張琮字

直隸蘇州府吳縣人應天府江寧縣籍幼知學奮

勵舉子業授易於吳秋堂方伯與矩菴自菴二陳子南原王子  
齊名友善爲婁提學所稱賞慕東萊日記誦詩讀書閱禮咸有



程限曰吾乃今知學非過目成誦之爲奇而爲之不厭者終有得也由是肆力羣書以至字法春秋綱目無不究心且曰世人於已則喜聞稱善而憚於聞過於人則喜聞其過而不喜聞其善反是則思過半矣領丙午鄉薦北遊大學與彭司馬澤友爲司成諸公所器重登弘治庚戌進士初主事都水分司清江水藥自矢秩滿調主儀制尋陟員外以正郎中方孝廟不豫命免朝賀東宮親王如故琮執議不可安有罷賀聖上而獨賀親王者占城請封或曰宜罷琮言占城稱臣受封自祖宗來已然無故罷之何以臣服夷邦而示大信乎悉如琮言其耕籍太禮并會試吉凶封祀旌表節孝舉詳謹不苟部長肝江

張昇曰可以仕進大矣正德二年陞陝西叅議以憂去五年爲  
瑾誚知濟寧濟寧南北之衝也日費錢者二萬餘琮力裁省什  
之六七聲譽翕然達於京府俄遷山東道監察御史父老遮道  
泣留及按甘肅安化初平人心洶洶琮則正法令廣恩威抑強  
橫恤孤弱舉賢能劾不職歷邊圉定苗虜取虜刃視而擲諸地  
曰爾刃止若此乎不及南方者遠矣虜皆縮頭駭顧呼琮爲太  
師且進羊酪爲壽邊陲賴以寧謐六年陞湖廣按察司副使奉  
勅撫民襄陽流民順逆不一琮則竭慮剿撫白蓮僞教師囑衆千  
餘盜名稱號琮則爲募死士殲厥渠魁餘悉寬貸襄陽安堵鄆  
藍方廖巨寇稔害則亦罄殄撫按劉公張公交章旌薦十年陞

貴州按察使明刑弼教能邇柔遠十一年陞爲四川右布政使  
十三年轉左攬頭全成多侵官銀誣引代賊六十餘戶府縣受  
毒琮則訊得其情罪成釋諸被誣又嘗靖苗蠻置邊餉節糜費  
抑巨璫慎出納是故自楚遷貴由貴遷蜀勲績卓異三荷 朝  
廷金帛之賜丁父憂服闋補轄廣西嘉靖元年遷右副都御史  
巡撫湖廣益布德意不事苛察累奉 勅諭寵眷愈隆其修繕  
顯陵綜理精而財用以充奉迎 神輿誠敬至而民用不擾存活  
饑民四十餘萬平治德安襄陽芒部諸妖逆丁爵李全隴政等  
數十族又建義塚修厲壇追逋負二年遷貳南京工部俄改南  
刑五年陞南都察院右都御史又以履盛是懼執法益嚴操已

益然維貞百度風紀聿修磨考察之柄則曰進退人材朝廷  
大事也敢不祇承先正謂恩歸於已怨將誰歸是故覈別必公  
去畱必當人心胥服以疾致仕壽六十有八

何瑋字粹夫其先揚州如臯人國初隸河南懷慶衛籍自幼性  
穎異弘治初爲河內縣學生時年未弱冠卽博通六經諸史討  
探有得其於天人理欲邪正是非之辨既有定見必欲措之事  
爲踐履之間名重一時辛酉舉解元壬戌舉進士入爲翰林院  
庶吉士甲子授編修不納泛濫之交不入勢要之門讀書窮理  
衣布食蔬雖鹽櫛必求整飭而朝參無爽期齋祀則盡愼縉紳  
重之乙丑 孝廟升遐 武宗嗣位瑋見政柄日隳心切憂念

丙寅與修 孝宗實錄戊辰爲會試同考己巳實錄成陞修撰  
於內書堂教習逆瑾專政見瑋無異容欲中傷之瑋知不免遂  
乞休歸瑾敗始命復職辛未四方流賊起瑋上言祛賊三事時  
論建之癸酉瑋於 經筵直言納諫 上爲改容數日有 旨  
外補遂同知開州爲三審法以平徭役爲分程法以築河堤民  
親戴之乙亥陞東昌府同知尋兩疏求歸旣得 命乃隱居於  
南村四方從學者衆瑋以大學條領立爲訓格究解經旨常曰  
汝輩但務此求究涵養則進取自裕 世宗嗣位起瑋爲山西  
提學副使以父憂不赴癸未改浙江提學副使浙文盛華極瑋  
乃究其實矯其靡士風爲變甲申陞南京太常寺少卿丙戌署

南京翰林院事比郭學士來代有余隸白金十斤在積應塘得  
者塘執義不取郭以修公署勒石誌之丁亥夏陞本寺正卿秋  
陞南京工部右侍郎署印奏革神帛暨九庫多餘機戶夫役  
絲料工作省銀數千是年改工部右侍郎隨改戶部以官民財  
用虛空之由立論六篇未幾改禮部右侍郎偶疾兩具疏乞歸  
方允御史毛鳳紹疏塘敦朴正大允宜邦禮改命在京調  
理再乞休致尋陞南京右都御史至原籍又辭有旨致仕居  
家讀書不問寒暑與閩中呂涇野靈寶許司徒儀封王浚川諸  
人簡札往來究辯經書性命之學戊戌年卒塘先有足疾至是  
袒跣重傷至廢坐立晦日不起壽七十歲塘資稟高明孝友端

潔早歲讀書勵志躬行剛強固執毫髮不差爲文浩瀚暢達醫  
卜術數皆潛心通曉所著有陰陽律呂管見大要以繫辭動靜  
有常虞廷依永和聲爲正而疑宋儒之文有均役均糧二論有  
家譜家訓二篇有儒學管見醫學管見

萬鏜字

江西南昌府進賢縣人弘治乙丑進士正德七年

任吏部考功司郎中十年改文選十一年陞太僕寺少卿改太  
常寺少卿提督四夷館十五年歷大理寺右少卿十六年轉左  
嘉靖五年陞順天府尹六年陞南京都察院右副都御史七年  
陞南京兵部右侍郎八年轉左本年陞南京都察院右都御史  
十一年以言事忤 旨爲民 年起 詳吏部